

Aningaasarsianit pigisanillu marloriaammik akileraarnissaq pinngitsoorniarlugu kiisalu akileraartarnermi suliassanik ikioqatigiittarnissaq pillugu danskit naalakkersuisuisa aamma Naalakkersuisut isumaqatigiissutaanni 18. oktober 1979-imeersumi allaaserisag 24 naapertorlugu isumaqatigiissut

Danskit naalakkersuisui aamma Naalakkersuisut, Aningaasarsianit pigisanillu marloriaammik akileraarnissaq pinngitsoorniarlugu kiisalu akileraartarnermi suliassanik ikioqatigiittarnissaq pillugu isumaqatigiissummi 18. oktober 1979-imeersumi allaaserisag 24 naapertorlugu ilassutitut isumaqatigiissummik isumaqatigiissuteqarumasut, makku isumaqatigiissutigaat:

Inuk naalagaaffiup ilaani najugaqartoq soraarnerussutisianik ingerlatsivimmi naalagaaffiup ilaata aappaani angerlarsimaffeqartumi akileraarutitigut oqilisaaffigineqartumik soraarnerussutisiaqalernissamut aaqqissuussinermik peqarpat, naalagaaffiup ilaata aappaata aaqqissuussinerup taassuma ingerlaavartumik iluanaarutitai, inuk naalagaaffiup ilaata aappaani najugaqartutut isigalugu akileraruserneqarnerannit appasinneruppat.

Naalagaaffiup ilaata soraarnerussutisianik ingerlatsiviup angerlarsimaffigisaata ukiut naanerisa kingorna, aaqqissuussinerup iluanaarutitaanit akileraarut ukiumi tassani akiliisitsissutigineqartoq naalagaaffiup ilaanut, inuup pineqartup najugaqarfigisaanut nuuttassavaa.

Inuk naalagaaffiup ilaani soraarnerussutisianik ingerlatsiviup angerlarsimaffigisaani najugaqarsimasooq naalagaaffiup ilaata aappaani najugaqalerpat, akileraarut qaammatisiutit malillugit ukiumut ilivitsumut siullermut tunngatillugu akiliisitsissutigineqartoq, inuup naalagaaffiup ilaata aappaani najugaqarfigisaanut siullermeersumik nuunneqassaaq. Inuk naalagaaffiup ilaani soraarnerussutisianik ingerlatsiviup angerlarsimaffiginngisaani najugaqarsimasooq naalagaaffiup ilaata aappaani soraarnerussutisianik ingerlatsiviup angerlarsimaffigisaani najugaqalerpat, akileraarut qaammatisiutit malillugit ukiumut ilivitsumut siullermut tunngatillugu akiliisitsissutigineqartoq, inuup naalagaaffiup ilaata aappaani najugaqarfigisaanut siullermeersumik nuunneqassanngilaq.

Soraarnerussutisiaqalernissamut aaqqissuussineq akileraarutitigut oqilisaaffigineqartutut isigineqassaaq aaqqissuussinermut akiliutit aningaasarsiat akileraaruserneqarneranni tamakkiisumik ilaanna kuusumilluunniit ilanngaatigineqarsinnaappata, imaluunniit aaqqissuussinerup ingerlaavartumik iluanaarutitaasa akileraaruserneqarnerat killilersugaanngitsumik ileqqaakkat iluanaarutitaasa akileraruserneqarnerannit appasinneruppat.

Nuussisarneq pillugu maleruagassat isumagineqarneralu pisortat oqartussaasut akunnerminni isumaqatigiissuteqarnerisigut aalajangersarneqassapput.

Ilassutitut isumaqatigiissut manna atortuulissaaq ullormi illua'tungeriit marluullutik atsiuiffianni. Ilassutitulli isumaqatigiissut siusinnerpaamik atortuulissaaq ullormi Folketingip isumaqatigiissumik akuersissuteqarnera pillugu inatsimmik nalunaarutiginniffiusumi.

Ilassutitut isumaqatigiissut atuutissaaq ukiumi aningaasarsiorfiusumi 2013-imi ukiunilu aningaasarsiorfiusuni kingusinnerusuni iluanaarutinut, tassa imaappoq akileraarutit ukiumi aningaasarsiorfiusumi 2013-imi akiliisitsissutigineqartut 2014-imi siullerpaamik nuunneqassallutik.

Ilassutitut isumaqatigiissut manna atuuttuassaaq isumaqatigiissut 18. oktober 1979-imeersoq atuutisillugu.

Københavnnimi suliarineqarpoq, ulloq2012, danskisooq kalaallisoorlu marlunngorlugit, taakkulu oqaasertaat naligiimmik atuussuseqarput.